

նորոգութիւնը արձանագրուած է. «Յամի փրկչին 1862-ին և Յուլիսի 17-ին նորոգուեցաւ եկեղեցին անուամբ սրբոյ Աստուածածնին ձեռնտուութեամբ ազգապետին Գրիգորեան Պետրոս աղին և Խաստուրայ Հայոց աղգին, որք ընթեռնութիւն, տուք զողորմի, ՌԵԺԱ. Մնացական»:

Եկեղեցւոյ Հիւսիսային որմին մեծ մասը զրսից հողին մէջ է, մնացած որմին երեսն խաչքարինք հաստատուած են և երեսն ի հիւսիս դարձած, որոց մէկուն վերայ դառն մի փորագրուած, անընթեռնելի քանի տողեր կը տեսնուին ևս այս տեղ:

Եկեղեցւոյս Հիւսիսային շրջապատը տարածուած է զիւղիս գերեզմանատունը, որ բաղկացած է 5000-ի չափ տապանաքարերով, որ Բազրուանդայ գերեզմաննոցներու մէջ առաջին տեղն կը բռնէ: Այլ տեսնուին խոյսձե տապանաքարեր, թամբուած, անթամբել ձիեր, զոմէշներ ևլն:

Գերեզմանի մի վերայ արձանացած է մի հսկայ խոյ, կռնակին վերայ անընթեռնելի յիշատակարան մի, աջ կողմին վերայ փորագրուած է ձուկ մի, կոնք և շունիտ, նաև մի չութակ. իսկ ձախ կողին վերայ դառն մի, որոյ վզին զանգակ:

Այս խոյին վերայ գրուած է եղեր իւր տիրոջ հարստութիւն, իւրաքանչիւր օր նա պիտի մորթեր 10 ոչխար, 5 զառ, նաև կարաս մի զինի պիտի խմէր ու խմացնէր իւր տուն պատահած հիւրերուն:

Խոյի մօտ կը տեսնուի մի թամբուած ձիու արձան իւր ամեն կազմածներով, թամբի վերան թուր և կապարճ մի: Այս տապանաքարը ինքնին ցոյց կտայ մեծ հնութիւն, քարի մեծ մասը հողի մէջ է. կերևի որ սորա արձանագրութիւնը հողին մէջ մնացած է: